

# შუახვევის მუნიციპალიტეტის საკრებულოს

დადგენილება №18  
2016 წლის 28 ოქტომბერი

დაბა შუახვევი

## „შუახვევის მუნიციპალიტეტის დასახლების საერთო კრების ტიპური დებულების დამტკიცების შესახებ“ შუახვევის მუნიციპალიტეტის საკრებულოს 2016 წლის 29 იანვრის №2 დადგენილებაში ცვლილების შეტანის შესახებ

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის საფუძველზე, შუახვევის მუნიციპალიტეტის საკრებულო ადგენს:

### მუხლი 1

„შუახვევის მუნიციპალიტეტის დასახლების საერთო კრების ტიპური დებულების დამტკიცების შესახებ“ შუახვევის მუნიციპალიტეტის საკრებულოს 2016 წლის 29 იანვრის №2 დადგენილებაში (სსმ, ვებგვერდი - matsne.gov.ge, 03/02/2016 წ., სარეგისტრაციო კოდი: 010250050.35.135.016152) შეტანილ იქნეს შემდეგი ცვლილება:

ა) დადგენილებით დამტკიცებული დებულების მე-4 მუხლს დაემატოს შემდეგი შინაარსის „ზ<sup>1</sup>“ ქვეპუნქტი:

„ზ<sup>1</sup>) შუახვევის მუნიციპალიტეტის გამგებლის მიერ დასახლების საერთო კრების მოწვევის ინიცირებიდან ერთი თვის ვადაში განიხილოს, აკმაყოფილებს თუ არა დაინტერესებული პირის განცხადება და მასზე დართული დოკუმენტაცია „ზოგიერთ დასახლებაში ფიზიკურ პირთა ფაქტობრივ მფლობელობაში არსებული სასოფლო-სამეურნეო დანიშნულების მიწის ნაკვეთების პრივატიზების ხელშეწყობის სახელმწიფო პროგრამის დამტკიცების შესახებ“ საქართველოს მთავრობის 2016 წლის 11 ივლისის №318 დადგენილებით დამტკიცებული სახელმწიფო პროგრამით განსაზღვრულ მოთხოვნებს. საკითხის დადებითად გადაწყვეტის შემთხვევაში, დაადასტუროს დაინტერესებული პირის მიერ უძრავი ნივთის ფაქტობრივად ფლობა და შესაბამისი წინადადება წარუდგინოს მუნიციპალიტეტის გამგებელს სსიპ - სახელმწიფო ქონების ეროვნული სააგენტოსადმი შუამდგომლობით მიმართვის თაობაზე გადაწყვეტილების მისაღებად“;

ბ) ამოღებული იქნეს დადგენილებით დამტკიცებული დებულების მე-4 მუხლის „ქ<sup>1</sup>“ ქვეპუნქტი.

### მუხლი 2

დადგენილება ამოქმედდეს გამოქვეყნებისთანავე.

შუახვევის მუნიციპალიტეტის  
საკრებულოს თავმჯდომარე

ნოდარ ქარცივაძე

